

Univerzitet u Sarajevu – Institut za jezik

Komisija za izbor u zvanje višeg stručnog saradnika za oblast lingvistika – bosanski, hrvatski i/li srpski jezik

Vijeću Instituta za jezik Univerziteta u Sarajevu

Predmet: Izvještaj Komisije za izbor u zvanje višeg stručnog saradnika za oblast lingvistika – bosanski, hrvatski i/li srpski jezik

Vijeće Instituta za jezik Univerziteta u Sarajevu na sjednici održanoj 17. 4. 2025. donijelo je Odluku o raspisivanju Konkursa za izbor u zvanje broj 01/216/25, nakon čega je na sjednici održanoj 2. 6. 2025. donijelo Odluku broj 01/310/25 o imenovanju Komisije za izbor u zvanje višeg stručnog saradnika za oblast lingvistika – bosanski, hrvatski i/li srpski jezik u sastavu:

1. dr. sc. Erma Ramić-Kunić, viši naučni saradnik, oblast lingvistika – bosanski, hrvatski i/li srpski jezik, predsjednik Komisije
2. dr. sc. Zenaida Karavdić, naučni saradnik, oblast lingvistika – bosanski, hrvatski i/li srpski jezik, član Komisije i
3. dr. sc. Nihada Ibrišimović, naučni saradnik, oblast lingvistika – bosanski, hrvatski i/li srpski jezik, član Komisije

Institut za jezik Univerziteta u Sarajevu objavio je Konkurs za izbor u zvanje višeg stručnog saradnika za oblast lingvistika – bosanski, hrvatski i/li srpski jezik – jedan izvršilac. Prema tekstu Konkursa koji je objavljen u *Dnevnom avazu* 7. 5. 2025. i na web-stranicama Instituta za jezik i Univerziteta u Sarajevu, a u skladu s odredbama koje propisuje Zakon o naučnoistraživačkoj djelatnosti (Službene novine Kantona Sarajevo, br. 26/16), minimalni uvjeti za ovo radno mjesto su:

- VSS, fakultet s odsjekom za bosanski, hrvatski i/ili srpski jezik;
- naučni stepen magistra iz oblasti za koju se bira sa prosječnom ocjenom najmanje 8 na postdiplomskom studiju ili stepen drugog ciklusa studija iz oblasti za koju se bira sa prosječnom ocjenom i na prvom i na drugom ciklusu studija najmanje 8 ili 3,5; pokazane naučnoistraživačke sposobnosti.

Uvidom u dostavljenu dokumentaciju i Potvrdu o potpunosti i blagovremenosti pristiglih prijava broj 01/288/25 od 26. 5. 2025. godine koju je dostavila Suada Avdić-Ćinara, sekretar Instituta za jezik Univerziteta u Sarajevu, Komisija konstatira da se na Konkurs za izbor u zvanje višeg stručnog saradnika Instituta za jezik Univerziteta u Sarajevu prijavila dva kandidata:

1. Fatima Veispahić, magistar bosanskog, hrvatskog i srpskog jezika i književnosti naroda Bosne i Hercegovine – nastavnički smjer
2. Sumeja Bičević, magistar bosanskog, hrvatskog i srpskog jezika i književnosti naroda Bosne i Hercegovine – nastavnički smjer

Komisija je konstatirala da kandidatkinja Fatima Veispahić ne ispunjava uvjete propisane Konkursom, tj. kandidatkinja je na Prvom ciklusu studija imala prosjek 7, 76. Kandidatkinja Sumeja Bičević ispunjava sve uvjete propisane Konkursom.

Uz prijava na konkurs, svojeručno potpisanu, kandidatkinja Sumeja Bičević dostavila je sljedeću dokumentaciju:

- Izvod iz Matične knjige rođenih (original)
- Uvjerenje o državljanstvu (original)
- Diploma o završenoj visokoj stručnoj spremi s dodatkom diplomi (ovjerena kopija)
- Diploma o naučnom stepenu magistra ili diploma o završenom II ciklusu studija s dodatkom diplomi (ovjerena kopija)
- CV i spisak objavljenih radova

Izvještaj

Sumeja Bičević (1987, Sarajevo) završila je osnovnu školu i Gazi Husrev-begovu medresu u Sarajevu. Godine 2009. završila je I ciklus studija na Filozofskom fakultetu u Sarajevu, Odsjek za bosanski, hrvatski i srpski jezik. Iste godine upisala je II ciklus studija koji je završila u aprilu 2012. godine odbranivši završni diplomski rad *Fonetske i ortografske osobine povelja bosanskih kraljeva* te stekla zvanje magistra bosanskoga, hrvatskoga i srpskoga jezika i književnosti naroda Bosne i Hercegovine. Pedagoško iskustvo stjecala je radeći kao nastavnica bosanskog, hrvatskog, srpskog jezika i književnosti u više sarajevskih osnovnih škola. U Institutu za jezik Univerziteta u Sarajevu bila je u zvanju stručnog saradnika od 2015. do 2019, a od 2019. u zvanju višeg stručnog saradnika.

Naučnoistraživački rad

Kandidatkinja Sumeja Bičević objavila je sljedeće radove i knjigu iz oblasti predviđenom Konkursom:

(2023) *Bosanske elifnice* (priredila sa Amir Sakić), Univerzitet u Sarajevu – Institut za jezik, Sarajevo

(2022) “Važan doprinos tekstološkim proučavanjima srednjovjekovnih bosanskih tekstova”, *Društvene i humanističke studije*, Univerzitet u Tuzli, Filozofski fakultet, Tuzla

(2019) “Ćirilične isprave kancelarije bosanskog bana Stjepana II Kotromanića”, *Bosanskohercegovački slavistički kongres II*, Zbornik radova, knj. 1, Slavistički komitet, Sarajevo

(2016) “O *Elifnici* Ibrahima Užičanina i njenoj povezanosti s *Elifnicom* Ibrahima Berbića”, *Drugi simpozij o bosanskom jeziku*, zbornik radova, Univerzitet u Sarajevu – Institut za jezik, Sarajevo

(2016) “Bibliografija izvora i radova o srednjovjekovnim bosanskim ćiriličkim administrativno-pravnim dokumentima”, *Književni jezik* 27/1–2, Univerzitet u Sarajevu – Institut za jezik, Sarajevo

(2016) “Zapadnoštokavski pisani idiom u poveljama bosanskih kraljeva”, *Sarajevski filološki susreti III*, Zbornik radova, knj. 1, Sarajevo

(2015) “Dvije knjige Mehmeda Kardaša”, *Pismo*, god. 13, Bosansko filološko društvo, Sarajevo

(2014) “Bibliografija radova *Književnog jezika* (1972–1981)”, /u koautorstvu Haris Čatović/, *Književni jezik* 25/1–2, Institut za jezik, Sarajevo

(2014) "Neke tipične fonetsko-fonološke osobine Bosanske elifnice Ibrahima Berbića u odnosu na dijalekatsku bazu i jezičku tradiciju", *Književni jezik* 25/1–2, Institut za jezik, Sarajevo

Sudjelovala je na sljedećim skupovima:

(2022) "Bosanske elifnice" – Razvoj lingvističke bosnistike, Univerzitet u Sarajevu – Institut za jezik, Sarajevo

(2021) "Povelje iz kancelarije velikog bosanskog vojvode Sandalja Hranića Kosače" – Treći simpozij o bosanskom jeziku, Univerzitet u Sarajevu – Institut za jezik, Sarajevo

(2015) "Refleksi jata u *Elifnici* Ibrahima Užičanina" – Drugi simpozij o bosanskom jeziku, Univerzitet u Sarajevu – Institut za jezik, Sarajevo

(2015) "Kancelarija bosanskog bana Stjepana II Kotromanića" – Drugi bosanskohercegovački slavistički kongres /u koautorstvu sa Mehmedom Kardašem/, Slavistički komitet, Sarajevo

(2014) "Zapadnoštokavski pisani idiom u poveljama bosanskih kraljeva" – Sarajevski filološki susreti III, Bosansko filološko društvo, Sarajevo

Zaključak s prijedlogom

Nakon što je izvršila uvid u prijave i priloženu dokumentaciju, Komisija jednoglasnom odlukom zaključuje da je kandidatkinja Sumeja Bičević, MA u potpunosti zadovoljila sve formalne i suštinske zakonom propisane uvjete za izbor u zvanje višeg stručnog saradnika za oblast lingvistika – bosanski, hrvatski i/li srpski jezik. Dosadašnji rezultati naučnoistraživačkog rada kandidatkinje jasno pokazuju da je riječ o već profiliranom istraživaču koji ima temelje za nastavak istraživanja iz oblasti lingvistike.

Na osnovu dostavljene prijave i priložene dokumentacije Komisija predlaže Vijeću Instituta za jezik Univerziteta u Sarajevu da izabere Sumeju Bičević, MA u zvanje višeg stručnog saradnika za oblast lingvistika – bosanski, hrvatski i/li srpski jezik na Institutu za jezik Univerziteta u Sarajevu te obrazloženi prijedlog putem Vijeća Grupacije humanističkih nauka uputi Senatu Univerziteta u Sarajevu na dalju proceduru i potvrđivanje.

Sarajevo, 16. 6. 2025.

Komisija

UNIVERZITET U SARAJEVU

INSTITUT ZA JEZIK

SARAJEVO, II, Kikica 12

Broj:

01/342/25

Datum:

16. 6. 2025.